



Usurbilgo Udala

**USURBILGO UDALEKO EGUNEKO ZENTRORA ERABILTZAILEAK ERAMATEKO
GARRAIO ZERBITZUA KONTRATATZEKO
ADMINISTRAZIO-BALDINTZA ZEHATZEN ORRIAK.
PROZEDURA IREKIA**

I- KONTRATUAREN EDUKIA

1.- KONTRATUAREN GAIA

Kontratu honen objektua da Usurbilgo Udalaren Eguneko Zentroko erabiltzaileei, jasotze puntuetatik Eguneko Zentrora bitarteko garraio zerbitzua eta bidaiari zehar egongo den laguntzaile zerbitzua ematea, kalitatezkoa eta egonkorra izango den enplegua sustatuz, hizkuntza berdintasunean eta gizonen zein emakumeen arteko berdintasun baldintzetan, helburu horretarako ezarritako klausula sozialen bidez .

Kontratazio hau zerbitzu-kontratu administratibo gisa gauzatuko da, Sektore Publikoko Kontratuen Legearen Testu Bateginaren azaroaren 14ko 3/2011 Legegintzako Errege Dekretuko 10. artikulua xedatzen duenaren arabera, eta arau bereko 301. artikulua eta hurrengoak arautzen dute.

CPV kodea: 60140000-1

Zerbitzuaren eskumena

12/2008ko legeak abenduaren 5ekoak, gizarte zerbitzuei buruzkoak, Eguneko zentroko garraioa gizarte zerbitzuen euskal sistemako prestazio eta zerbitzuen Katalogoan jasotzen du, bigarren mailako arretako gizarte zerbitzu gisa eta ezartzen du Foru Aldundien gizarte zerbitzuei dagokiela zerbitzu horiek eskaintzea eta betetzea. 185/2015 dekretuak, urriaren 6koak, Gizarte Zerbitzuen Euskal Sistemaren prestazio eta zerbitzuen zorroari buruzkoak, hau dio: Foru Aldundiek eskumena izango dute Gizarte Zerbitzuen Euskal Sistemaren Prestazio eta zerbitzuen katalogoaren bigarren mailako arreta-zerbitzuak emateko eta dekretu berak Eguneko zentroa Foru Aldundiaren eskumeneko zerbitzu eta prestazio ekonomikoaren barruan sailkatu du.

2014ko otsailaren 20an Usurbilgo Udalak eta Gipuzkoako Foru Aldundiko Gizarte Politikako Departamentuak Hitzarmena sinatu zuten, garraio plazak hitzartzeko.

Gipuzkoako Foru Aldundiaren subrogazio klausula

Kontratuaren indarraldian zerbitzua sartu daiteke Gipuzkoako Foru Aldundiko



Usurbilgo Udala

Gizartekintza sailaren menpe den eta Kabia izena duen erakunde autonomoan edo hori ordezkatzeko duen erakunde edo administrazioan. Integrazio hori gauzatzen bada, kontratu-erlazio hau erakunde horretara eramango da, hortik aurrera Kabia Erakunde Autonomoak (edo hori ordezkatzeko duen erakunde edo administrazioak) hartuko duela erakunde Usurbilgo Udalaren lekua eta Kabia (edo hori ordezkatzeko duen erakunde edo administrazioak) izango delarik aurrerantzean garraio zerbitzu honi dagokionez Administrazio Kontratatzailea, automatikoki.

2.- HAUTAKETA ETA ADJUDIKAZIO PROZEDURA

Zerbitzuaren kontratua adjudikatzeko prozedura irekia izango da. Edozein enpresarik aurkeztu ahal izango bere eskaintza, negoziaketa modu oro bazterturik geratuz, SPKLTB-ren 157. artikularekin bat.

3.- KONTRATUA BURUTZEKO EPEA

Prestazioa emateko epea guztira izango da BI URTEKOA, kontratua sinatu eta hurrengo egunetik hasita, eta berariaz eta elkarren artean adostuta luzatu ahal izango da urte bateko beste epe batez, baina iraupena guztira ez da izango HIRU URTE baino luzeagoa.

4.- KONTRATUAREN PREZIOA

Eskaintzak egun eta erabiltzaile bakoitzeko prezioaren arabera egingo dira. Ondoren zehazten dira gehienezko prezioak (BEZ-ik gabe):

- Lan egunetako erabiltzaile eta egun bakoitzeko prezioa: 12,35 euro (%10eko BEZ barne 13,59 euro)

- Jai egun eta asteburuetako erabiltzaile eta egun bakoitzeko prezioa: 14,55 euro (%10eko BEZ barne 16,01 euro)

Horrez gain, eta salbuespenez, Usurbilgo udalak Usurbilgo Adinekoen Eguneko Zentroran doan erabiltzailearen bat Usurbilgo Udalerritik kanpo jaso behar dela erabakiko balu, eta beti ere Gizarte Zerbitzuen saileko proposamen eta oniritziarekin, esleipenduna zerbitzua ematera behartuta egongo da.

Zerbitzu honek ekar ditzakeen gastuak honela ordainduko dira: Kalezar 15 helbidea abiapuntutzat hartuz Usurbilgo udalerritik kanpora dagoen jasoera puntuaren kokapena kontuan hartuz lehen 6 kilometroek ez dute aparteko ordainketarik izango eta 6,01 kilometrotatik aurrera gehigarria ordainduko du udalak (2 euro kilometroko, %10eko BEZ-a



Usurbilgo Udala

aparte).

Dena den, prezio berezi hau, ezohikoa den heinean ez da puntuen irizpideen artean sartuko.

Lizitazioaren balio zenbatetsia, gaur egun eguneko zentroak dituen plazak (18 astegunetan eta 6 asteburutan) eta urteko egutegia (gutxi gora behera 251 lanegun eta 110 jaiegun zerbitzua emanez, 4 egun itxita) kontuan izanda honako hau da:

Urteko aurrekontuaren estimazioa 65.400'30 eurotako da (BEZ-ik gabe), %10eko BEZ-a 6.540,03 euro, guztira BEZ barne 71.940,33 euro. Kontratuaren hasierako iraupenerako aurreikuspena (2 urte), BEZ-ik gabe 130.800,60 euro dira, BEZ-a %10-a 13.080,06 euro, guztira BEZ barne 143.880,66 euro.

Gehienezko iraupenerako estimazioa, luzapena barne, 196.200'90 euro dira (BEZ-a %10-a 19.620,09 euro, guztira BEZ barne 215.820,99 euro).

Edozelan ere, ezin da zehatz kuantifikatu kontratuaren prezioa, izan ere, plegu honetan adierazitako hitzetan, sortzen diren beharren arabera denez, ez da bermatzen zerbitzua ematearen kopuru zehatzik.

Zentzu honetan, lizitatuzaileei zera jakinarazten zaie: Gipuzkoako Foru Aldundiko Gizarte Politikako Departamentuak Usurbilgo eguneko zentroan hitzarturiko plazen kopurua aldatzea aurreikusi du, jaiegunetako plazetan 6 plaza gehituz, eta hori 2017ko urriaren 31ean onartzea eta 2017ko azaroaren 1etik aurrera ondorioak izatea. Dena den, oraindik ebatzi gabe dago eta hortaz udalak ezin ditu une honetan plaza ziurtzat jo.

Egutegia plegu teknikoetan zehaztutakoa izango da.

Prezio horretan sartuta egongo dira kontratuaren ondorioz sortutako gastu guztiak, hala nola: garraioa, garraiolaria, laguntzailea, egitasmoa idazten duen lantaldearen eta laguntzaileen lansariak, gastu materialak, gastu orokorrak eta orotariko zerga, tasa eta arbitrioak.

5.- FINANTZAKETA

Kontratuaren prezioari aurre egiteko aurreikusita dago indarrean dagoen aurrekontuko 1.8000.227.231.01.08 kontu-atala.

Halaber, hurrengo urteei dagokien gastua egingo da baldin eta kreditu egokia eta nahikoa badago.



Usurbilgo Udala

6.- ORDAINTZEKO MODUA

Ordainketa hileroko faktura bidez egingo da, behin faktura aurkeztu eta zerbitzuko arduradunak faktura egiaztatu ondoren. Fakturan erabiltzaile eta egun kopurua zehaztu beharko dira. Faktura onartu eta gero, Azaroaren 14ko 3/2011 Legegintzako Errege-Dekretua, Sektore Publikoaren Kontratuen Legearen Testu Bateratuaren 216. artikuluan legez aurreikusitako epeetan ordainduko da.

Dena den, Udalak baldintza orrietan zehazten den zerbitzu osoa jasotzen ez badu, Usurbilgo Udalak ez du konpromisorik hartzen zehaztutako kopuruak oso-osorik ordaintzeko.

7.- PREZIOAK BERRIKUSTEA

Kontratu honen prezioak ez dira berrikusiko kontratuaren iraupen epe guztian, luzapena barne.

8.- BERMEAK

Hilabete bateko epea ezarri da, kontratua amaitzen den egunetik hasita, berme gisa ezarri dena, Sektore Publikoaren Kontratuen Legean Testu Bateratuaren eta Lege horren Erregelamendu Orokorrean jasota datozen ondorioetarako.

Garantia epean kontratistaren kargu joango lirateke lanetan eta egindako prestazio guztietan ager daitezkeen akats eta ikusiezinezko akats guztiak.

9.- KONTRATUA BURUTZEA

Kontratuaren jabeak bere gain hartzen ditu kontratua burutzeak dakartzan arriskuak. Ezin izango da zerbitzurik azpikontratatu.

Kontratistak, zerbitzua antolatzerakoan eta ematerakoan, zehazki bete beharko ditu orri honetan jasotako baldintzak eta agindu teknikoan orriko espezifikazioak. Gainera, Udalak zuzenduko, ikuskatuko eta kontrolatuko du zerbitzua, eta horrek idatziz zein ahoz gauzatuko ditu eskumen horiek.



Usurbilgo Udala

Kontratista izango da egindako lanen eta emandako zerbitzuen kalitatearen erantzule. Kontratista izango da erantzule, baita ere, kontratua betetzean ez-egiterik, akatsik, egokia ez den metodorik edo ondorio okerrik sortzen bada, eta horrek ondorioz eragiten badie Administrazioari edo hirugarrenei.

Kontratatistak beharrezko ekipamendu eta bitartekariak jarri beharko ditu lanak ondo gauzatu eta kontratua eskaturiko epean garatzeko, beharrezko langileak ere kontratatuz. Kontratuaren jabeak arduradun bat izendatuko du, kontratuaren jabearen eta Udaleko langileen arteko harremanak zuzenean koordinatzeko. Udaleko Zerbitzu Teknikoen eta kontratuaren jabearen artean egin behar diren bileren kopuru eta maiztasuna eta erabili beharreko informazioa Udalak zehaztuko du. Era berean, Udalak informazioa bildu eta esleipenduna egiten ari den lana gainbegiratu ahal izango du. Esleipendunak kontratua behar bezala burutzeko beharrezko diren zerbitzu guztiak egingo ditu, bestelako ordainik gabe, lan-bilera eta informazio-bileratara joatea barne.

Gainera, kontratuaren jabeak kontratatutako zerbitzuen inguruan ezagutu ditzakeen datu guztiak isilpean gorde behar ditu, datu horiek konfidentzialak direlako. Kontratuaren jabeak Administrazioari eta eraginda ikusi diren pertsonen kalte-ordainak eman beharko dizkie isiltasun profesionala urratzeagatik sortutako kalteen truke. Kontratua betetzeko izaera pertsonaleko datuak erabili behar baldin baditu, izaera pertsonaleko datuak babesteko indarrean dagoen araubidea beteko du. Kontratutako zerbitzua bukatu ondoren, datu pertsonalak Udalari itzuliko dizkio.

10.- ESLEIPENDUNAREN LAN-BETEBEHARRAK

Enpresa kontratatari, eta berari bakarrik, dagokio pertsonala hautatzea kontratua gauzatzeko adskribitutako lan taldea osatzeko, klausulen agiri honetan exijitutako titulazio eta ukanbeharrekin. Edonola ere, entitate kontratatzaileak baldintza horiek betetzen dituela egiaztatzeko ahalmena izango du.

Enpresa kontratugilea ahaleginduko da bere lan taldean egonkortasunari eusten eta taldearen osaketan aldaketarik badago haiek puntualak eta justifikatutako arrazoiengatik izaten, zerbitzuaren funtzionamendu egokiak ez dezan aldaketarik pairatu. Edozein kasutan, beti entitate kontratatzaileari horren berri eman beharko dio.

Enpresa kontratatistak bere gain hartzen du betebeharrak bezala, enpresari orori dagokion zuzendaritza ahalmena modu erreal, eraginkor eta etengabe baliatzeko, kontratuaren exekuzioaz arduratzen den lan taldeko pertsonalaren gainean. Bereziki, honako hauek hartuko ditu bere gain: soldaten negoziaketa eta ordainketa, baimenak, lizentziak eta oporrak ematea, ordezkapenak langileen baja edo ez egoteengatik, Gizarte Segurantzako lege betebeharrak, kotizazio eta prestazio ordainketak barne, hala dagokionean, lan arriskuen prebentzioaren alorreko legezko betebeharrak, diziplina ahalaz baliatzea eta,



Usurbilgo Udala

oro har, enplegatuairen eta enplegatailearen arteko kontratu loturak dakartzan eskubide eta betebeharrak guztiak.

Kontratista behartuta dago lan arloan indarrean dauden legezko xedapenak betetzen, Gizarte Segurantzakoak eta laneko segurtasun eta higienekoak, kontratu honetako zerbitzuetan erabiltzen dituen langileei buruz, eta Administrazioa dago hori bete ez izatearen erantzukizunetik salbuetsita.

Usurbilgo Udalak ez du inongo lan-harremanik izango zerbitzuan lanean ari diren langileekiko.

Gainera, esleipendunak bere gain hartuko ditu, bere kasuan, zerbitzu horiek gaur egun egiten dituzten langileak, indarreango Lan Hitzarmenaren arabera, eta subrogaturik geratuko da aurreko adjudikaziodunak zeuzkan laneko eskubideetan eta obligazioetan. Atxikitako pertsonen datuak, hitzarmen, soldata, antzinasun eta abarrekin, agiri honetako **I. ERANSKIN**ean datoz jasota.

11.- KONTRATU-JABEAREN ERANTZUKIZUNA, KONTRATUA BETETZEN BESTE BATZUEI ERAGINDAKO KALTEEN AURREAN

Kontratuaren jabea izango da kontratua betetzeko egin beharreko lanen ondorioz beste batzuei eragindako kalteen eta galeren erantzule, Sektore Publikoko Kontratu Legearen Testu Bateginaaren 214. artikuluan xedatutakoari jarraiki.

Kontratua betetzean, esleipendunak bere jardueragatik eragindako kalteei erantzuteko aseguru eduki beharko du, gutxienez **300.000 eurokoa, 150.000 euroko azpimugarekin**, gerta litezkeen kalte guztiak bere gain hartzeko. Baldintza hau frogatzeko, jatorrizko poliza eta primen ordainagiriak edo aseguru-etxearen ziurtagiria aurkeztu beharko du. Baldintza honetan ezarritako eskakizunak ez egiaztatzea kontratua amaitutzat emateko arrazoi izango da, izan ere, Sektore Publikoko Kontratu Legearen Testu Bateginaren 223 artikulua argitaratu, betebeharrak hori funtsezko kontratu-betebeharra da.

12.- KONTRATUA ALDATZEA

Herri onurako arrazoiak direlako Udalak kontratua aldatzea izango du, Sektore Publikoko Kontratuen Legearen Testu Bateratuaren I. Liburuko V. Tituluan ezarritako kasuetan eta moduan.

Aurreikusitako aldaketak



Usurbilgo Udala

Zentroko zerbitzu egun kopurua, ordu kopurua edo plaza kopurua aldatzearen ondorioz garraioa erabili ahal izango duten erabiltzaileen, egunen edo ordutegiaren aldaketa bideratu ahal izango du, premien arabera beharrezkoa bada.

Zentzu honetan, lizitatzailerari zera jakinarazten zaie: Gipuzkoako Foru Aldundiko Gizarte Politikako Departamentuak Usurbilgo eguneko zentroan hitzarturiko plazen kopurua aldatzea aurreikusi du, jaiegunetako plazetan 6 plaza gehituz, eta hori 2017ko urriaren 31ean onartzea eta 2017ko azaroaren 1etik aurrera ondorioak izatea. Dena den, oraindik ebatzi gabe dago eta hortaz udalak ezin ditu une honetan plaza ziurtat jo.

13.- HIZKUNTZA IRIZPIDEAK

Hizkuntza-gaitasunari buruz:

Usurbilgo Udalarekin eta hirugarrenekin harremana izango duten neurrian, kontratatutako enpresako langileek Usurbilgo Udalak berak bete behar lituzkeen pareko baldintzak bermatu beharko dituzte, hizkuntza gaitasunei dagokienez; horregatik, eman beharreko zerbitzuen izaera kontuan izanik, Europako Erreferentzia Markoaren B2 gaitasun maila (ahozko parte) egiaztatu beharko dute jardueran parte hartuko duten langileek.

Hizkuntza gaitasuna egiaztatzeko honako bi bideak erabili ahal izango dira:

- Zerbitzua eman behar du(t)en pertsonak/ek eskatutako hizkuntza gaitasuna dauka(te)la ziurtatzen duen agiria aurkeztea edo,
- Usurbilgo Udalak erabakitako froga egitea.

Kontratua esleitu aurretik egiaztatu beharko du enpresak zerbitzua emango duten pertsonak badutela eskatutako hizkuntza gaitasuna. Era berean, enpresa kontratatu eta geroago zerbitzua emango duen pertsona berririk sartuko balitz, horiek ere eskatutako hizkuntza gaitasuna egiaztatu beharko dute.

Zerbitzu hizkuntza, erabilera herritarrekin

Kontratuaren xede den prestazioaren berezko ezaugarriak kontuan hartuta, zerbitzu hizkuntza euskara izango da.

Usurbilgo Udalak onartutako hizkuntza-irizpideei jarraituz, herritarrekin ahozko harremana (lehen hitza, telefonoz, erantzungailuan, aurrez aurrekoan, bozgorailutik, bileretan...) euskaraz egingo da.

Modu berean, era guztietako jakinarazpen eta komunikazio idatziak (inprimakiak, oharrak, abisuak, ordutegiak, fakturak eta salerosketako bestelako agiriak...) euskaraz egingo dira



Usurbilgo Udala

eta, behar izanez gero, euskaraz eta gaztelaniaz, euskarazkoari lehentasuna emanez. Hala ere, kasu guztietan herritarren hizkuntza eskubideak bermatuko dira.

Hizkuntza paisaia

Errotuluak, oharrak, seinaleak, kartelak eta gisa bereko komunikazio orokorrak euskaraz egingo dira.

Harremanak administrazioarekin

Enpresa adjudikazio-hartzaileak Usurbilgo Udalaren hizkuntz araudiaren arabera jokatu du, kontratuaren xede diren jardura guztietan; eta beraz, enpresak Udalarekin dituen ahozko zein idatzizko harremanak euskaraz izango dira. Era berean, udaletik jasotzen diren idatziak euskaraz jasoko ditu enpresa adjudikazio-hartzaileak.

Jarraipena

Hizkuntza-baldintzen betetze mailaren jarraipena: Usurbilgo Udaleko Gizarte Ongizate zerbitzuak egingo du finkatutako hizkuntza baldintzen betetzearen jarraipena.

14.- AZPIKONTRATATZEA

Ezin izango da zerbitzurik azpikontratatu.

15.- KONTRATUA AMAITZEA

Kontratuaren jabearekin kontratua bete dela iritziko zaio kontratuaren jabeak kontratuaren xedea guztiz betetzen duenean, kontratuko baldintza guztiekin bat etorritik eta Administrazioaren onarpenarekin.

Kontratua amaitutzat joko da kontratua bera edo orriotako baldintzak betetzen ez badira, edo eta Kontratuaren Legearen 223. eta 308. artikuluetan adierazitako arrazoiengatik; halaber, kontratua amaitzeak Lege horretako 309. artikuluan aurreikusitako ondorioak izango ditu.

16.- ADMINISTRAZIOAREN ESKUBIDEAK

Udalak, administrazio-kontratugile gisa, eskubide hauek izango ditu:

- Zerbitzua behar bezala emateko komenigarritzat jotzen dituen jarraibideak eta aginduak ematea.
- Lanen kalitatean, kantitatean, denboran edo lekuan aldaketak agintzea, baldin eta



Usurbilgo Udala

interes publikoak horrela eskatzen badu.

Kontratazio organoak, azaroaren 14ko 3/2011 Legegintzako Errege Dekretuak onartutako Sektore Publikoko Kontratuen Legearen Testu Bategineko 210 artikulua araberan, hurrengo eskumen hauek dauzka:

- a) Kontratuaren interpretazioa.
- b) Kontratua betetzerakoan egon daitezkeen zalantzak erabakitzea.
- c) Kontratua aldatzea interes publikoko arrazoiengatik.
- d) Kontratua suntsitzea eta horren ondorioak zehaztea. Edozein kasutan, entzunaldia emango zaio kontratistari, eta jarraitu beharko dira azaroaren 14ko 3/2011 Errege Dekretuak onartutako Sektore Publikoetako Kontratuen Legearen Testu Bategineko 211 artikulua aurreikusten dituen tramiteak.

Udalak zerbitzua ikuskatu eta zainduko du horretarako izendatutako pertsonen bitartez.

Kontratua interpretatzeko, aldatzeko, amaitutzat jotzeko edo horren ondorioak zehazteko kontratazio-organoei hartzen dituzten akordioak berehala betearaziko dira.

II. KONTRATATZEKO JARDUNBIDEA

17. ESLEIPENAREN PROZEDURA

Kontratu honen esleipena prozedura ireki bidez egingo da. Kontratuaren esleipenaren oinarri gisa erabiliko diren eskaintzak balioesteko irizpideak eta esleitzen zaien haztapena honako hauek dira:

a) Proposamenaren balio teknikoa: gehienez 49 puntu (B gutun-azala)

- Bidai eta ibilgailuen antolaketarako proposamena: proposaturiko zerbitzuaren deskribapena, erabiltzaileei bidaiaren denbora gutxien egonartzea, eguneko zentroarekiko ordutegiarekin bat etortzea, Usurbilgo herriaren ezaugarrietara egokitutako proposamena izatea (gehienez 25 puntu)
- Giza baliabideak: (gehienez 12 puntu)
 - langileen ordezkapenen kudeaketa (8 puntu)
 - etengabeko prestakuntza programa (gehienez 4 puntu)
- koordinazio mekanismoak (gehienez 8 puntu)
 - Udalarekiko (gehienez 4 puntu)



Usurbilgo Udala

- eguneko zentroa, senitartekoak edo bestelakoak (gehienez 4 puntu)
- Bidaiaietako larrialdietarako proposaturiko protokoloa (gehienez 4 puntu)

b) Diru-eskaintza: gehienez 49 puntu (C gutun-azala)

Laneguneko erabiltzaile bakoitzeko prezioa (BEZ-ik gabe): gehienez 37 puntu

Gehienezko prezioa (BEZ-ik gabe) 12,35 euro izango dira. Prezio hori eskaintzen duenak 0 puntu izango ditu.

Gainerako eskaintzak puntuatzeko honako eragiketa hau egingo da: puntuazio onenari kenduko zaio beherapenaren ehunekoaren eta eskaintza merkeenaren arteko aldea. Eskaintza baten beherapena aterako da honela:

-Ehun eta diru-eskaintza bakoitzak lizitazio-prezioarekiko ematen duen ehunekoaren arteko aldea kalkulatzuz honako formularen arabera: $100x$ (1-proposamena/lizitazioa).

“Beherapen” handiena duen proposamenari “A beherapena” esango diogu eta gehieneko puntuazioa emango diogu, hau da, 37 puntu. Gainerako proposamenak (B) honako formularen arabera haztatuko dira.

$37 - (A \text{ beherapena} - B \text{ beherapena})$ eta zero (0) puntuazioa emango zaio eragiketa horren emaitza negatiboa bada.

Jaieguneko erabiltzaile bakoitzeko prezioa (BEZ-ik gabe): gehienez 13 puntu

Gehienezko prezioa (BEZ-ik gabe) 12,35 euro izango dira. Prezio hori eskaintzen duenak 0 puntu izango ditu.

Gainerako eskaintzak puntuatzeko honako eragiketa hau egingo da: puntuazio onenari kenduko zaio beherapenaren ehunekoaren eta eskaintza merkeenaren arteko aldea. Eskaintza baten beherapena aterako da honela:

-Ehun eta diru-eskaintza bakoitzak lizitazio-prezioarekiko ematen duen ehunekoaren arteko aldea kalkulatzuz honako formularen arabera: $100x$ (1-proposamena/lizitazioa).

“Beherapen” handiena duen proposamenari “A beherapena” esango diogu eta gehieneko puntuazioa emango diogu, hau da, 13 puntu. Gainerako proposamenak (B) honako formularen arabera haztatuko dira.

$13 - (A \text{ beherapena} - B \text{ beherapena})$ eta zero (0) puntuazioa emango zaio eragiketa horren emaitza negatiboa bada.



Usurbilgo Udala

Diru-eskaintzetan egon daitezkeen gehiegizko jaitsierak SPKLTB-ko 152 eta 1098/2001 Errege Dekretuak onartzen duen Erregelamenduko 85. artikuluan finkaturiko irizpideen arabera baloratuko dira.

c) Lan baldintzak: 2 puntu (C gutun-azala)

Adineko eguneko zentrorra erabiltzaileak eramateko garraio zerbitzuan bere baitan eskulanaren garrantzia eta langileen egonkortasun eta lan baldintza egokiek erabiltzaile hauenganako zerbitzuaren kalitatean zuzenki eragiten dutela kontuan izanda eta kontratu honen bidez enplegu egonkor eta kalitatezkoaren sustapena bultzatu nahirik, zerbitzuko langile guztiek lan baldintza duin eta berdinak izan ditzaten, klausula sozial gisa enpresak egon daitezkeen langile berriei ere subrogaturiko langileen lan baldintza berdinak (plegu administratibo hauetako I. Eranskinen jasotako moduan) aplikatzea baloratuko da:

Plegu administratiboetako I. Eranskinaren arabera, subrogazio eskubidea duten langileei une honetan aplikatzen zaizkien lan baldintza berdinak egon daitezkeen langile berriei ere aplikatzea: 2 puntu

*Atal honetan lan baldintza berdinak aplikatzea eskaini eta 2 puntu horiek eskuratuz gero, baldintza hori SPKLTB-eko 118. artikulua baita **kontratuaren exekuzio baldintza berezia da.***

18. KONTRATAZIO MAHAIA

Kontratazio Mahai Iraunkorreko kide hauek osatuko dute:

1. Xabier Arregi Iparragirre, Alkatea, Mahaiko Lehendakari gisa
2. Jone Urdanpilleta Urdanpilleta, ongizate arloko Zinegotzia, Bokal gisa
3. Garazi Etxeberria San Miguel, Udal Idazkaria, Bokal gisa
4. Karmele Lizaso Ubera, Udal Kontuhartzailea, Bokal gisa
5. Maria Salsamendi Luengo, ongizate arloko burua, Bokal gisa
6. Olatz De Miguel Arnaiz, Kontratazio eta Pertsonal Teknikaria, Mahaiko idazkari gisa

19. KONTRATATZEKO GAITASUNA

Kontratazio prozedura honetan parte hartu ahal izango dute jarduteko ahalmen eta gaitasun juridiko osoaren jabe diren eta kaudimen ekonomiko, finantzario eta tekniko edo profesionala egiaztatzen duten pertsona fisiko zein juridikoek, baldin eta Sektore Publikoko Kontratuen Legearen Testu Bateginaren 60. artikulua xedatzen dituen debeku



Usurbilgo Udala

kasuetan sartuta ez badaude. Kaudimena 23. klausulan ezarritako baliabideen arabera egiaztatuko eta ebaluatuko da.

Halaber, beren kabuz edo baimendutako ordezkarien bitartez parte hartu ahal izango dute, horretarako emandako ahalaren bidez. Kontratatzeko aipatu diren ezintasun kausek eragiten diote ordezkariari.

Gainera, lizitatzailleen helburua izango da kontratu honen xedearekin zuzeneko harremana duten jarduerak egitea, eta hori gauzatzeko, giza baliabideak eta beharrezkotzat jotzen diren baliabide materialak izan beharko dituzte.

20. ESKAINTZAK AURKEZTEKO LEKUA ETA EPEA

Kontratazio honen espedientea baldintzatan aztertu ahal izango da:

LEKUA: Usurbilgo Udaleko Erregistroa. Joxe Martin Sagardia plaza z.g. Usurbil
ORDUTEGIA: 8etatik 14:30etara

Gainera, eskaintza hau kontratazio-organoaren kontratatzaillearen profilean argitaratuko da honako atari informatiko edo webgunean: www.usurbil.eus

Eskaintzak arreta publikorako zehazturiko leku eta ordutegian aurkeztuko dira, lizitazio iragarkia Gipuzkoako Aldizkari Ofizialean eta Kontratatzaillearen Profilean argitaratu eta **15 egun naturaleko epean**, hurrengo egunetik kontatzen hasita.

Proposamenak posta, telefax edo bitarteko elektronikoko, informatiko edo telematikoen bidez ere aurkeztu ahal izango dira, urriaren 1eko 39/2015 Legeko 16.4 artikuluan xedatutako moduetan.

Proposamenak postaz bidaliz gero, enpresariak bidalketa data frogatu ahal izango du Posta bulegoan, eta kontratazio organoari eskaintzaren igorpena jakinarazi beharko dio telex, fax edo telegrama bidez egun berean, espediente zenbakia, kontratuaren objektuaren izenburu osoa eta lizitatzaillearen izena idatziz jasoz.

Aipaturiko telex, fax edo telegrama jaso izanaren egiaztatpena udal Idazkariak luzaturiko dilijentzia bidez egingo da. Lizitazio iragarkian zehazturiko epea amaitu ondoren kontratazio organoak proposamenen bat jasoko balu bi ukanbehar horiek bete gabe ez da proposamen hori onartuko. Edonola ere, epe horretatik 10 egun igarota aipaturiko agiriak ez balira jasoko hau ere ez da onartuko.

Bitarteko elektronikoko, informatiko eta telematikoen erabilerak gainera azaroaren 14ko 3/2011 Errege Dekretu Legegileak onarturiko Sektore Publikoko Kontratu Legearen Testu Bateginak bere hamaseigarren xedapen gehigarrian zehazturiko ukanbeharrak bete beharko ditu. Lizitatzaille bakoitzak ezin izango du proposamen bat baino gehiago aurkeztu.



Usurbilgo Udala

Ezin izango du, halaber, aldi baterako enpresa proposamenik aurkeztu banako gisa eskaintzarik aurkeztu duen kasuetan edo aldi baterako enpresa bat baino gehiagotan egonez gero. Arau hauen urraketak berak aurkezturiko eskaintza guztiak ez onartzea eragingo du. Eskaintza aurkezteak plegu honetako klausulak baldintzarik gabe onartzea dakar.

21. ESKAINTZAK AURKEZTEKO MODUA

Lizitazioan parte hartzeko eskaintzak itxitako 3 gutun-azaletan aurkeztuko dira, lizitatuzaileak sinaturik eta jakinarazpenetarako helbidea zehaztuz. Halaber, gutun-azalaren izendapena eta honako aipamena jasoko da: “USURBILGO UDALEKO EGUNEKO ZENTRORA ERABILTZAILAK ERAMATEKO GARRAIO ZERBITZUA KONTRATATZEKO PROZEDURAN PARTE HARTZEKO PROPOSAMENA”.

Gutun-azalen izendapena honako hau da:

- «A» gutun-azala: Agiri Administratiboak.
- «B» gutun-azala: Balore judizio baten arabeko balorapenerako agiriak.
- «C» gutun-azala: Eskaintza Ekonomikoa eta modu automatikoan kuantifikatzeko agiriak.

Gutun-azal bakoitzean enpresaren izena eta proposamenaren sinatzailearen izen-abizenak idatziko dira, noren izenean sinatzen duen zehaztuz. Hiru gutun-azalak sinaturik egon behar dute.

Gutun-azal bakoitzean sartu beharreko agiriek originalak edo legeztaturikoak izan beharko dute, indarrean dagoen legediarekin bat.

Gutun-azal bakoitzaren barruan hurrengo agiriak eta hauen zerrenda zenbakitua sartuko dira:

“A” GUTUN-AZALA AGIRI ADMINISTRATIBOAK

a) Lizitatuzailearen Ardurapeko Aitorpena, Administrazioarekin kontratatzeko legez ezarritako baldintzak betetzearena.

Honako eredu honen arabera aurkeztuko da:



Usurbilgo Udala

ARDURAPEKO AITORPEN EREDUA

Izena:.....Helbidea: NA zk., telefonoa....., Gaitasun juridikoa eta jarduteko gaitasunaren jabe dela, bere izenean (edoren ordez., helbidea eta NA edo IFK (pertsona fisikoa edo juridikoa izan), USURBILGO UDALEKO EGUNEKO ZENTRORA ERABILTZAILEAK ERAMATEKO GARRAIO ZERBITZUA kontratatzeke Usurbilgo Udalak deitutako prozedura irekia ezagutu eta **BERE ERANTZUNKIZUPEAN HONAKO HAU AITORTZEN DU:**

LEHENENGO. Lizitzaileak Administrazioarekin kontratatzeke legalki eskatzen diren baldintzak betetzen dituela eta esleipedun izatea proposatuko balitz, kontratazio organoaren aurrean dagokion dokumentazioa aurkeztuko lukeela, esleipenaren aurretik, eskatzen diren dokumentuak dituela eta balekoak direla egiaztatzearen, 3/2011 E.D. Legegilearen 146 artikulua dionari jarraiki. Horrela, esleipenaren aurretik, pertsonalitate juridikoa, ordezkaritza, bere kasuan sailkapena/kaudimena eta Ogasunarekiko eta Gizarte Segurantzarekiko zorrik ez izateari buruzko dokumentazioa, eta oinarritan eskatzen den beste edozein aurkeztu beharko duela.

BIGARRENIK. Jakinarazpenak egiteko helbide elektronikoa honako hau dela:.....

Eta horrela jasota geratu dadin, honako aitorpen hau sinatzen dut.

....., 2017ko aren(a)

Izenpea

“B” GUTUN-AZALA BALORE JUDIZIO BATEN ARABERA BALORATU BEHARREKO AGIRIAK

Balore judizio baten arabera baloratu beharreko irizpideei dagozkien agiriak barne hartuko



Usurbilgo Udala

ditu.

“C” GUTUN-AZALA
ESKAITZA EKONOMIKOA ETA MODU AUTOMATIKOAN KUANTIFIKATZEKO
AGIRIAK

Honako eredu honen arabera aurkeztuko da:

Izen/abizenak.....Helbidea
..... Posta kodea, NAN
zenbakia, Telefonoa, Ordezariaren datuak
(ordezkaririk egonez gero): Izen-abizenak NAN edo IFK
zenbakia (pertsona fisiko edo juridikoa denaren arabera), USURBILGO UDALEKO
EGUNEKO ZENTRORA ERABILTZAILEAK ERAMATEKO GARRAIO ZERBITZUA
kontratatzeko prozedura irekiko espedientea ezaguturik, adierazten dut kontratuaren
oinarri diren Pleguak ezagutzen ditudala eta osoki onartzen ditudala, lizitazioan parte
hartuz eta:

- *Kontratuaren edukia honako prezio honetan burutuko dudala:*

- *Lan egunetako erabiltzaile bakoitzeko prezioa _____eurokoa (BEZ-ik gabe), gehi _____ euro (% _____ BEZ barne).*

- *Jai egun eta asteburuetako erabiltzaile bakoitzeko prezioa _____euro (BEZ-ik gabe), gehi _____ euro (% _____ BEZ barne).*

- *Plegu administratibo hauetako I. Eranskinean subrogazio eskubidea duten langileen lan baldintza berdinak aplikatuko dizkiet egon daitezkeen langile berriei: bai edo ez (zehaztu).*

....., 2017ko aren(a)

Izenpea



Usurbilgo Udala

22. AGIRIAK KALIFIKATZEA

Kontratazio Mahaia ren bilkura publikoen deialdiak udal web orrian (www.usurbil.eus) argitaratuko dira.

Kontratazio Mahaia osatuko da eta "A" gutun-azala ireki eta bertan jasoriko agiri administratiboak kalifikatuko ditu.

Beharrezkoa izanez gero, Mahaiak gehienez ere hiru eguneko epea emango du lizitatzailleak aurkezturiko agirietan ikusi diren akats edo hutsegiteak zuzendu ahal izateko. Ondoren, judizio balore baten arabera irizpideak jasotzen dituen "B" gutun-azalak ireki eta aztertuko ditu. Proposamen horien irakurketaren ondoren, Mahaiak behar beste txosten tekniko eskatu ahal izango ditu, Pleguetan ezarritako irizpideen eta ponderazioen arabera balorapena egin ahal izateko.

Berriz ere Kontratazio Mahaia bildurik, judizio balore baten arabera irizpideen ponderazioa ezagutaraziko da. Ondoren "C" gutun-azalak irekiko dira.

Judizio balore baten arabera diren irizpideen balorapenaren (B gutun azala) eta ponderazio automatikokoak diren irizpideen (C gutun-azala) balorapenaren ondoren, Kontratazio Mahaiak ekonomikoki onuragarriena aurkeztu duen lizitatzaillea proposatuko du.

23. AGIRIEN ESKAERA

Kontratazio-organuak proposamen ekonomikoki onuragarriena aurkeztu duen lizitatzailari eskatuko dio errekerimendua jaso eta hurrengo egunetik kontaktzen hasita 10 egun baliouduneko epean aurkeztu ditzan SPLTB-eko 146.1 artikulua zehazten dituen aurretiazko ukanbeharrak betetzen dituela ziurtatzen dituen agiriak (originalak edo kopia konpultsatuak) eta dagokion behin-betiko bermea ezarri izana.

a) Enpresaburuaren nortasun juridikoa egiaztatzen duten agiriak:

- Nortasun Agiri Nazionala, lizitatzailleak bere izenean jardunez gero.
- Beste pertsona edo entitate bat ordezkatzuz jardunez gero, Nortasun Agiri Nazionala eta ahalordetze eskritura.
- Lizitatzaillea pertsona juridiko bat denean, eraketaren edo aldaketaren eskritura, hala badagokio, Merkataritza Erregistroan behar bezala inskribatua, eta identifikazio



Usurbilgo Udala

fiskaleko zenbakia, aplikagarri zaion merkataritza legediaren arabera inskribatuta egon behar badu. Inskribatuta egon behar ez badu, jarduteko gaitasuna egiaztatzeko, eraketa eskritura edo agiria, estatutuak edo fundazio egintza aurkeztu beharko da. Agiri horietan jardueraren arauak agertu beharko dute, beharrezkoa bada dagokion erregistro ofizialean inskribatuta. Europako Batasuneko estatu kideetako enpresaburu ez espainiarrek lanbide edo merkataritza erregistroan inskribatuta daudela egiaztatu behar dute, dena delako estatuko legediak baldintza hori eskatzen badu.

– Hainbat enpresaburuk aldi baterako enpresa elkarte bat eratu eta lizitaziora jotzen badute, taldekide bakoitzak jarduteko gaitasuna eta kaudimena egiaztatu beharko ditu aurreko puntuetan ezarritakoaren arabera, eta, halaber, aldi baterako enpresa elkartea eratzeko konpromisoa ekarriko du, adjudikaziodun suertatuz gero. Era berean, proposamenean adieraziko dute aldi baterako enpresa elkarteko kide bakoitzak kontratuaren zein zati egingo lukeen, kide guztien kaudimen baldintzak zehaztu eta egiaztatzeko.

b) Erantzukizunpeko berariazko adierazpena, Sektore Publikoko Kontratuen Legearen Testu Bateginaren 60. artikuluan aipatzen diren kontratu debekuetako batean ere ez dagoela adierazten duena.

c) Indarrean dauden xedapenek ezarritako zerga obligazioak eta gizarte segurantzarekikoak betetzen dituela frogatzen duten agiriak.

d) Kaudimen ekonomikoa eta finantzaketakoa egiaztatzen duen agiria;

- Urteko negozio bolumena kontratuak hartzen duen eremuan, gutxienez urteko 65.000 eurotakoa (BEZ-ik gabe).

e) Kaudimen teknikoaren edo profesionalaren ziurtagiria. Bi puntu hauek ziurtatzen dituzten agiriak aurkeztuz:

- *Azken 5 urteetan behar fisiko edo psikiko bereziak dituzten pertsonen garraio zerbitzuak*, eta adieraziko dituzte haien zenbatekoa, erabiltzaile kopurua eta destino publikoa edo pribatua, eta horiek gehituko zaizkie horiei buruzko ziurtagiriak. Azken 5 urteetan gutxienez lizitazio honen kopuruan antzeko 3 zerbitzu (10 erabiltzailetik gorako zerbitzuak) eman dituztenek ulertuko da kaudimena dutela.

f) Atzerriko enpresek, kontratuan zuzenean edo zeharka sortzen diren gorabehera guztietarako, mota guztietako auzitegi eta epaitegi espainiarren eskumenei men egingo dietela dioen aitorpena aurkeztu beharko dute, eta, behar izanez gero, lizitatzaileri dagokion atzerriko eskumen foruari uko egingo dietela adieraziko dute.

g) Aseguru Poliza eta ordain-agiria.

h) Langileek plegu administratibo eta teknikoetan zehazturiko ukanbeharrak betetzen



Usurbilgo Udala

dituztenaren gainerako titulu eta ziurtagiriak (langile zerrenda, hizkuntz eskakizuna, laguntzailearen formakuntza, gidariaren gidabaimena, etab.).

i) Zerbitzuan erabiliko duen ibilgailuaren inguruko informazioa.

j) Larrialdi egoerei aurre egiteko protokoloa.

Euskal Autonomia Erkidegoko Kontratuen eta Kontrartisten Erregistroak onartzen dituen otsailaren 3ko 12/1998 Dekretuak arautzen duen Sailkatutako Enpresen erregistro ofizialean izena emanda dauden lizitatzailleek ziurtagiriaren kopia konpultsatua aurkeztu ahal izango dute, klausula honetako a), b) eta c) ataletan eskatzen diren agirien orde; ziurtagiria erregistroko letratu arduradunak egingo du. Jatorrizko agiriak edo kopiak aurkez daitezke. Kopiak aurkeztekotan, aurretik Administrazioak edo notarioak behar bezala kautotu edo egiaztatu behar ditu.

Administrazioarekin kontratatzeke eskaturiko gaitasun eta kaudimen baldintzak ematen direla aintzat hartzeko unea proposamenak aurkezteko epearen amaiera unea izango da.

24. BEHIN BETIKO BERMEA

Ekonomikoki abantaila gehien dituen proposamena aurkeztu duen lizitatzailleak esleipen kopuruaren %5eko bermea eratu izana ziurtatu beharko du, Balio Erantsiaren Zerga kendurik.

Bermea ez da itzuli edo deuseztatuko berme epea amaitu eta kontratua modu egokian gauzatu arte.

Berme honek Sektore Publikoko Kontratu Legearen Testu Bategineko 100. artikulua jasotako kontzeptuengatik erantzungo du, kontratua amaitzetik hilabete bateko epean.

Garantia epean kontratistaren kargu joango liriteke lanetan eta egindako prestazio guztietan ager daitezkeen akats eta ikusiezinezko akats guztiak. Epea igarotzen bada Administrazioak ezelako eragozpenik jarri barik, kontratistaren erantzukizuna amaitu egingo da.

25. KONTRATUAREN ESLEIPENA

Jakinarazpena hartzaileak jaso izana ziurtatzen duten edozein bitartekoren bidez egin ahal izango da. Bereziki, lizitatzaille edo hautagaiek haien proposamenetan zehazturiko helbide



Usurbilgo Udala

elektronikora bidali ahal izango da, Sektore Publikoko Kontratu Legearen Testu Bategineko 16. xedapen gehigarria, amaierako 3. xedapena eta urriaren 1eko 39/2015eko Administrazio Publikoetako Prozedura Erkidearen Legearen 41. artikulua araberaz. Jakinarazpena ukatuzat hartzeko epea 10 EGUN NATURALEKOA izango da, urriaren 1eko 39/2015eko Administrazio Publikoetako Prozedura Erkidearen Legeko 43.2 artikulua araberaz.

Kontratua esleitzen ez bazaio eskaintza ekonomikorik onuragarriena egin duen enpresa lizitatuileari hark ez dituelako bete baldintzak, beste deialdi berri bat egin baino lehen, administrazioak beste errekerimendu bat bidali ahal izango dio/die hurrengo lizitatuileari edo haren atzetik datozenei, betiere eskaintzak sailkaturik geratu diren hurrenkerari jarraituz, eta halako kasuan, enpresa lizitatuileak bost egun baliodun izango du lehenago adierazitakoa betetzeko.

26. KONTRATUAREN FORMALIZAZIOA

Kontratuaren formalizazioa administrazio-agiri gisa esleipenaren jakinarazpena jaso eta 15 egun balioduneko epean egingo da eta aipatu agiria nahikoa izango da edozein erregistro publikotan sartzeko. Hala ere, kontratistak kontratua publikoki aurkezteko eskaera egin dezake eta horri dagozkion gastuak bere kontura izango dira.

27.- ESLEIPENDUNAREN HUTSEGITEAK ETA EZARRI BEHARREKO ZIGORRAK

Egindako hutsegiteak santzionatuko dira honela:

- Hutsegite arinak 60tik150 eurotako isunaz santzionatuko dira. Kontratua hautsiko da kontratuaren urtean 15 hutsegite eginez gero.
- Hutsegite larriak 150tik 300 eurotako isunaz santzionatuko dira. Kontratua hautsiko da kontratuaren urtean 10 hutsegite eginez gero.
- Hutsegite larri-larriak 301tik 450 eurotako isunaz santzionatuko dira eta behin betiko bermea galduko du, eta zenbateko beraz beste bat jarri behar du kontzesionarioak, edo kontratua hautsiko da, hutsegite larri-larritzat kalifikatutako b) eta c) hutsegiteak izanez gero.

Santzioez gain, kalte-ordain bat ordaindu behar dio esleipendunak udalari, egin ez den zerbitzuaren balorazioari, aplikatu ez diren bitartekoei, e.a.i dagokien zenbatekoaren truke.

Ezarritako isunen kopurua hileroko zerbitzua ordaintzerakoan murriztuko da ziurtagirietatik, edo jarritako bermetik.

a) HUTSEGITE ARINAK



Usurbilgo Udala

- a.- Atzeratzea bere obligazioak bete behar dituenean.
 - b.- Udalak emandako jarraibideetan desobedientzia arinak.
 - c.- Gabezia arinak zerbitzua ematean edo ibilgailuaren mantenimenduan.
 - d.- Erabiltzaileei zor zaien errespeturik eta arretarik ez izatea.
 - e.- Estatutako datuak eta azterketan ematean, atzeratu edo akatsak izatea, enpresa egotz dakizkiokeenak.
 - f.- Hainbat arrazoi dela-eta zerbitzuan gerta litezkeen aldaeren komunikazio falta.
 - g.- Udalak emandako aginduak betetzean atzeratzea, beti ere atzeratze hori 24 orduetik gorakoa ez bada, eta hala bada, hutsegite larritzat hartuko litzateke hutsegitea.
 - h.- Erabiltzaileekin gizalegez ez jokatzea.
- b) HUTSEGITE LARRIAK
- a.- Hutsegite larriak behin eta berriro egitea.
 - b.- Bere langileriaren portaeraren kontroleko enpresa egitekoan zabarkeriaz jokatzea, erabiltzaileri buruz nahiz udal araudia zorrotz betetzeari buruz, eta bereziki kontratu hau arautzen dutenak, e.a.
 - c.- Emandako zerbitzu publikoa behar bezala erabiltzen ez denean.
 - d.- Kontratuak helburutzat ez duen jarduera bat egitea.
 - e.- Jartzen den ordutegia ez betetzea.
 - f.- Esleipendunaren oinarrizko betebeharren arau hauste larria.
 - g.- Kontratuan aipatzen diren lanak geldiarazi edo etetea hiru egunean, ezinbesteko arrazoirik ez badago.
 - h.- Orrietan adierazitakoez gainera, edozein baldintza ez betetzea kontzesionarioak edo, haren eskaintzan, eta bereziki kontzesionarioaren obligazioak ez betetzea, orri honetan hutsegite arin edo larri-larri moduan tipifikaturik ez daudenean.
- c) HUTSEGITE OSO LARRIAK



Usurbilgo Udala

- a.- Kontratututako zerbitzuak ematen ez hastea orri honetan ezarritako epean ezinbesteko kausen ondorioz ez bada.
- b.- Kontratututako zerbitzuak geldiaraztea edo ez ematea hiru egun baino gehiagoko aldiari, ezinbesteko kausen ondorioz ez bada.
- c.- Zerbitzua ematea pertsonen segurtasunari eragiteko moduko baldintzetan, arrisku larria eta zuzeneko eragiten dutenean.
- d.- Ikuskatze zerbitzuen jarduerari uko egitea edo oztopoak jartzea, haiek ezarrita dituzten legez edo arauzko egitekoak burutu ditzaten galarazteko.
- e.- Titulaziorik gabe edo lanbide trebetasunik gabe zerbitzua ematea.
- f.- Zerbitzua bertan bera utzi edo etetea, kontratuaren epea amaitu gabe egonda, Administrazioaren baimenik gabe.
- g.- Hutsegite larriak behin eta berriro egitea.

28. KONTRATUAREN ARAUBIDE JURIDIKOA

Kontratu honek izaera administratiboa du eta bere prestaketa, esleipena, ondorioak eta iraungitzea plegu honetan jasotakoek zuzenduko dute, eta bertan aurreikusten den ez denerako aplikagarri izango dira azaroaren 14ko 3/2011 Errege Dekretu Legegileak onarturiko Sektore Publikoko Kontratuen Legearen Testu Bategina, maiatzaren 8ko 817/2009 Errege Dekretua eta Administrazio Publikoko Kontratuen Legeko Erregelamendu Orokorra onartzen duen urriaren 12ko 1098/2001 Errege Dekretua, azken hau Sektore Publikoko Kontratuen Legearen Testu Bateginaren aurka ez doan heinean eta 817/2009 Errege Dekretua indarrean sartzean indarreangotasuna duen heinean. Ordezko gisa, zuzenbide administratiboko gainerako arauak aplikatuko dira, eta hauen faltan, zuzenbide probatuko arauak.

29.- JURISDIKZIO ESKUDUNA

Kontratua interpretatzen, aldatzen, amaitzen edo amaitzearen ondorioak zehazten sor litezkeen gorabeherak kontratazio-organoak erabakiko ditu. Erabaki horiek amaiera emango diote administrazio-bideari eta, horien aurka, administrazioarekiko auzi-errekurtsoa aurkeztu ahal izango da, jurisdikzio hori arautzen duen Legearen arabera. Dena dela, interesdunek berraztertze errekurtsoa aurkezteko aukera dute.



Usurbilgo Udala

I. ERANSKINA

I.

-Subrogatzeko langileak eta lan baldintzak-

LANGILEA	ORDUAK ASTEAN	ANTZINATAS.	HITZARMENA	KATEGORIA	KONTRATUA
1	19 ordu	2008-10-07	Transporte de enfermos y accidentados de Gipuzkoa	Gidaria	189